

**18 апреля 2020 года**  
**Страстная седмица**  
**ВЕЛИКАЯ СУББОТА**  
**Последование утрени**  
**для домашнего (келейного) совершения**

**УТРЕНЯ**

Моли́твами святы́х оте́ц на́ших, Го́споди Иису́се Христе́, Бо́же наш, поми́луй нас. **Ами́нь.**

**Сла́ва Тебе́, Бо́же наш, сла́ва Тебе́.**

Царю́ Небе́сный, Уте́шителю, Ду́ше и́стины, Иже везде́ сый и вся исполня́й, Сокро́вище благи́х и жи́зни Пода́телю, прииди́ и всели́ся в ны, и очисти ны от всякия скве́рны, и спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды, и три поклона.**

**Сла́ва Отцу́, и Сы́ну, и Свято́му Ду́ху, и ны́не и при́сно, и во ве́ки веко́в. Ами́нь.**

Пресвята́я Трои́це, поми́луй нас: Го́споди, очисти грехи́ на́ша; Влады́ко, прости́ беззакония на́ша; Святы́й, посети́ и исцели́ немо́щи на́ша, и́мене Твоего́ ра́ди.

**Го́споди, поми́луй. Трижды.**

**Сла́ва, и ны́не:**

Отче наш, Иже еси́ на Небесе́х, да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должником на́шим; и не введи́ нас во искуше́ние, но изба́ви нас от лука́ваго.

**[Яко Твое́ есть Ца́рство и си́ла и сла́ва во ве́ки. Ами́нь. (Мф. 6: 9-13)]**

**Го́споди, поми́луй, 12.**

**Сла́ва, и ны́не:**

**Приидите, поклонимся Цареве нашему Богу.**

**Приидите, поклонимся Христу́, Царе́ви нашему, Бо́гу.**

Приидіте, поклонімся и припадём Самому Христу, Цареві и Богу нашему.

## ДВУПСАЛМИЕ

### Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь Христа Своего, услышит его с Небес Святаго Своего, в силах спасение десницы Его. Сии на колесницах, и сии на конех, мы же во имя Господа Бога нашего призовём. Тии спяти быша и падоша, мы же востанем и исправимся. Господи, спаси царя и услыши ны, вонже аще день призовём Тя.

### Псалом 20

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко даси ему благословение во век века, возвеселиши его радостью с лицом Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящия Тебе. Яко положиши их яко пещь огненную во время лица Твоего, Господь гневом Своим смятёт я, и снёт их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоих уготоуши лице их. Вознесися, Господи, силою Твоею, воспоём и поём силы Твоя.

Слава, и ныне:

**Трисвято́е.** Слава, и ныне: Пресвятая Троице:

Господи, помилуй. **Трижды.** Слава, и ныне: Отче наш:

**И тропари:**

Спаси Господи люди Твоя, / и благослови достояние Твое, / победы на сопротивныя даруя, / и Твое сохраняя Крестом Твоим жительство.

Сла́ва: Вознесѣйся на Крест во́лею, / тезоименито́му Твоему́ но́вому житѣльству / щедро́ты Твоѣ да́руй, Христе́ Бо́же, / возвесели́ нас си́лою Твоею́, / победы́ да́я нам на сопоста́ты, / посóбие имущим Твое́ ору́жие ми́ра, / непобедимую победу́.

И ны́не: Предста́тельство стра́шное и непосты́дное, / не прѣзри Благо́я моли́тв на́ших, Всепѣтая Богоро́дице, / утверди́ правосла́вных житѣльство: / спаси́ лю́ди Твоѣ, и пода́ждь им с небесе́ победу́, / зане́ родила́ еси́ Бо́га, еди́на благословѣнная.

Гóсподи, поми́луй. 12.

Сла́ва, и ны́не:

### ШЕСТОПСАЛМИЕ

Сла́ва в вы́шних Бо́гу, и на земли́ мир, в челове́цех благово́ление. Трижды.

Гóсподи, устне́ мой отвѣрзеши, и уста́ моя́ возвестя́т хвалу́ Твою́. Дважды.

### Псалом 3

Гóсподи, что ся умно́жиша стужа́ющии ми́? Мно́зи востаю́т на мя, мно́зи глаго́лют души́ мое́й: несть спасѣния ему́ в Бо́зе его́. Ты же, Гóсподи, Засту́пник мой еси́, сла́ва моя́ и вознося́й главу́ мою́. Гла́сом моимъ ко Гóсподу воззва́х, и услы́ша мя от горы́ святы́я Своея́. Аз усну́х, и спях, воста́х, яко́ Господь заступитъ мя. Не убою́ся от темъ люде́й, о́крест нападающихъ на мя. Воскресни́, Гóсподи, спаси́ мя, Бо́же мой, яко́ Ты порази́л еси́ вся вражду́ющыя ми́ всу́е: зу́бы грѣшниковъ сокруши́л еси́. Господне́ есть спасѣние, и на лю́дехъ Твои́х благово́ление Твое́.

Аз усну́х, и спях, воста́х, яко́ Господь заступитъ мя.

### Псалом 37

Гóсподи, да не я́ростию Твоею́ обличи́ши мене́, ниже́ гнѣвомъ Твоимъ нака́жеши мене́. Яко́ стрѣлы Твоѣ унзо́ша во мене́, и утверди́л еси́ на мене́ ру́ку Твою́. Нестъ исцелѣния в плóти мое́й от лица́ гнѣва Твоего́, несть ми́ра в костѣхъ мои́х от лица́ грехъ мои́х. Яко́ беззакóнныя моя́ превзыдо́ша главу́ мою́, яко́ брѣмя тяжкое́ отяготѣша на мене́. Возсмердѣша и согни́ша ра́ны моя́ от лица́ безумия́ моего́. Пострада́х и сляко́хся до конца́, весь день сѣтуя́ хождáх. Яко́ лядвия́ моя́ напóлнишася поругáний, и несть исцелѣния в плóти мое́й. Озло́бленъ быхъ и смири́хся до зела́, рыка́х от въздыхáния сѣрдца́ моего́. Гóсподи, предъ Тобóю все́ желáние мое́ и въздыхáние мое́ от Тебе́ не утайся. Сѣрдце́ мое́ смятѣся, оста́ви мя́ си́ла моя́, и светъ о́чию́ моею́,

и той несть со мною. Друзи мои и искреннии мои прямо мне приближишася и сташа, и ближнии мои отдалече мене сташа и нуждахуся ищущии душу мою, и ищущии злая мне глаголаху суетная и льстивным весь день поучахуся. Аз же яко глух не слышах и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мои: и внегда подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу и попекуся о гресе моем. Врази же мои живут и укрепятся паче мене, и умножишася ненавидящии мя без правды. Воздающии ми злая возлагая оболгашу мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасения моего.

Не остави мене, Господи Боже мой, не отступи от мене. Вонми в помощь мою, Господи спасения моего.

### Псалом 62

Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похвалят Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Бозе, похвалится всяк кленыйся Им, яко заградилася уста глаголющих неправедная.

На утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава, и ныне:

Аллилуия, аллилуия, аллилуия, слава Тебе Боже. **Трижды, без поклонов.**

Господи помилуй. **Трижды.**

Слава, и ныне:

## Псалом 87

Господи Боже спасения моего, во дни воззвах, и в нощи пред Тобою. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша. Положиша мя в рове преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, воззвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, воззвах и утро молитва моя предварит Тя. Вскую, Господи, отреси душу мою, отвращаеши лице Твое от мене? Нищ есмь аз, и в трудех от юности моея; вознес же ся, смирихся, и изнемогах. На мне преидоша гневи Твои, устрашения Твоя возмутisha мя, обидоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Господи Боже спасения моего, во дни воззвах, и в нощи пред Тобою. Да внидет пред Тя молитва моя: приклони ухо Твое к молению моему.

## Псалом 102

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Творяй милостыни Господь, и судьбу всем обидимым. Слова пути Своя Моисеови, сыновом Израилевым хотения Своя: Щедр и Милостив Господь, Долготерпелив и Многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востокы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает

ктому́ мѣста своего́. Милость же Господня от вѣка и до вѣка на боящихся Его́, и правда Его́ на сынѣх сыновъ, хранящих заветъ Его́, и помнящих заповѣди Его́ творити я. Господь на Небесѣх уготова Престолъ Свой, и Царство Его́ всеми обладает. Благословіте Господа вси Ангели Его́, сильнии крѣпостию, творящии слово Его́, услышати глас словѣс Его́. Благословіте Господа вся Силы Его́, слуги́ Его́, творящии волю Его́. Благословіте Господа вся дела́ Его́, на всяком мѣсте владычества Его́, благослові, душѣ моя, Господа.

На всяком мѣсте владычества Его́, благослові, душѣ моя, Господа.

### Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе рuce мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящым в ров. Слышану сотвори мне заутра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава, и ныне:

Аллилуия, аллилуия, аллилуия, слава Тебе Боже. Трижды.

Господи, помилуй. 12.

Слава, и ныне:

**БОГ ГОСПОДЬ И ТРОПАРИ**

Глас 2:

Бог Господь и явися нам, благословен Грядый во имя Господне.

**Стих:** Исповéдайтесь Гóсподеви, я́ко благ, я́ко в век мѣлость Егó.

Бог Госпóдь и яви́ся нам, благословéн Грядýй во и́мя Госпóдне.

**Стих:** Обышédше обыдóша мя и и́менем Госпóдним противля́хся им.

Бог Госпóдь и яви́ся нам, благословéн Грядýй во и́мя Госпóдне.

**Стих:** Не умру́, но жив бóду и повéм дела́ Госпóдня.

Бог Госпóдь и яви́ся нам, благословéн Грядýй во и́мя Госпóдне.

**Стих:** Ка́мень, Егóже небрегóша зѣждущии, Сей бысть во главу́ угла, от Гóспода бысть Сей и есть дѣвен во очесéх на́ших.

Бог Госпóдь и яви́ся нам, благословéн Грядýй во и́мя Госпóдне.

### Тропари, глас 2:

**Благообразный Иосиф, с дрéва снем Пречѣстое Тéло Твое́, Плащаницею чѣстою обвив, и воня́ми во гробе но́ве покрыв положи́.**

Сла́ва Отцу́, и Сы́ну, и Свято́му Ду́ху.

**Егда́ снизшéл еси́ к смéрти, Животé Безсмéртный, тогда́ ад умертвил еси́ блиста́нием Бóжества. Егда́ же и умершы́я от преиспóдных воскресил еси́, вся Сѣлы Небéсныя взыва́ху: Жизнода́вче Христé Бóже наш, сла́ва Тебе́.**

И ны́не и прѣсно, и во ве́ки веко́в. Ами́нь.

**Миронóсицам жéнам, при гробе́ предста́в Ангел вопия́ше: ми́ра мёртвым суть прилѣчна, Христóс же истлéния яви́ся чуждъ.**

### НЕПОРОЧНЫ И ПОХВАЛЫ, ГЛАС 5

Благословéн еси́, Гóсподи, научи́ мя оправда́нием Твоѣм.

#### Статѣя пѣрвая

Блажéни непорóчнии в путь, ходя́щи в закóне Госпóдни.

**Жизнь во гробе́ положи́лся еси́, Христé, и а́нгельская воинства ужаса́хуся, снизхождéние сла́вляще Твое́.**

Блажéни испытáюЩИ свидéния Егó, всем сéрдцем взы́щут Егó.

**Животé, како́ умира́еши? Како́ и во гробе́ обита́еши? Смéрти же Цáрство разруша́еши, и от ада мёртвы́я возста́вляеши?**

Не дéлаюЩИ бо беззакóния, в путéх Егó ходи́ша.

**Велича́ем Тя, Иису́се Царю́, и чтем погребéние и страда́ния Твоя́, и́миже спасл еси́ нас от истлéния.**

Ты заповедал еси заповеди Твоя сохранить зело.

**Меры земли положиный, в малом обитаеши, Иисусе Всецарю, гробе днесь, от гробов мертвыя возсталяя.**

Да бы исправился путие мой, сохранить оправдания Твоя.

**Иисусе Христэ мой, Царю всех, что ища к сущым во аде пришёл еси? Или род отрешити человеческий?**

Тогда не постыжуся, внегда призрети ми на вся заповеди Твоя.

**Владыка всех зрится мертв, и во гробе ноем полагается, истощивый гробы мертвых.**

Исповемся Тебе в правости сердца, внегда научити ми ся судьбам правды Твоея.

**Животе во гробе положился еси, Христэ: и смертию Твоею смерть погубил еси, и источил еси миру жизнь.**

Оправдания Твоя сохраню, не остави мене до зела.

**Со злодеи яко злодей, Христэ, вменился еси, оправдая нас всех от злодейства древняго зачинателя.**

В часом исправит юнейший путь свой? Внегда сохранить словеса Твоя.

**Красный добротю паче всех человек, яко безрачен мертв является, естество украсивый всех.**

Всем сердцем моим взысках Тебе, не отрини мене от заповедей Твоих.

**Ад како стерпит, Спасе, пришествие Твое, а не паче болезнует омрачаемь, блистания Света Твоего зарею ослеплен.**

В сердце моём скрых словеса Твоя, яко да не согрешу Тебе.

**Иисусе, Сладкий мой и спасительный Свете, во гробе како темном скрылся еси? О несказанного и неизреченного терпения!**

Благословен еси, Господи, научи мя оправданием Твоим.

**Недоумевает и естество умное, и множество безплотное, Христэ, таинства несказанного и неизреченного Твоего погребения.**

Устнама моима возвестих вся судьбы уст Твоих.

**О чудес странных! О вещей новых! Дыхания моего Податель бездыханен носится, погребаем рукама Иосифовыма.**

На пути свидений Твоих насладихся, яко о всяком богатстве.



**И во гроб зашёл еси, и недр, Христэ, Отэческих никакоже отлучился еси: сие странное и преславное купно.**

**В заповедех Твоих поглумлюся, и уразумею пути Твоя.**

**Истинный Небесэ и земли Царю, аще и во гробе малейшей заключился еси, познался еси всей твари, Иисусе.**

**Во оправданиях Твоих поучуся, не забуду словес Твоих.**

**Тебе положену во гробе. Создателю Христэ, адская подвизашася основания, и гроби отверзшася человеком.**

**Воздаждь рабу Твоему, живи мя, и сохранию словеса Твоя.**

**Землю Содержай дланию, умерщвлен плотию, под землею ныне содержится, мертвыя избавляя адова содержания.**

**Открый очи мой, и уразумею чудеса от закона Твоего.**

**Из истления возшел еси Животэ, Спасе мой, Тебе умершу, и к мертвым пришедшу, и сломившу адовы верей.**

**Пришлец аз есмь на земли, не скрый от Мене заповеди Твоя.**

**Якоже света Светильник, ныне плоть Божия, под землю яко под спуд крыется, и отгоняет сущую во аде тьму.**

**Возлюби душа моя возжелати судьбы Твоя на всякое время.**

**Умных стекается воинств множество со Иосифом и Никодимом, погребсти Тя невместимаго во гробе мале.**

**Запретил еси гордым, прокляти уклоняющийся от заповедей Твоих.**

**Умерщвлен волею, и положен под землею, Жизноточе Иисусе мой, оживил еси умерщвлена мя преступлением горьким.**

**Отыми от Мене понос и унижение, яко свидений Твоих взысках.**

**Изменяшеса вся тварь страстию Твоею, вся бо Тебе, Слове, сострадаху, Содержителя Тя ведуще всех.**

**Ибо седоша князи, и на мя клеветяху: раб же Твой глумляшеса во оправданиях Твоих.**

**Живота Камень во чреве прием ад всеядец излева, от века яже поглотит мертвыя.**

**Ибо свидения Твоя поучение мое есть, и совети мой оправдания Твоя.**

**Во гробе нове положился еси, Христэ, и естество человеческое обновил еси, воскрес благолепно из мертвых.**

Прильпé земли душа́ моя, живи́ мя по словеси́ Твоему́.

**На зéмлю шел еси́, да спасéши Адама, и на земли́ не обрéте сего́, Влады́ко, да́же до ада снизшéл еси́ ищáй.**

Пути́ моя возвестих, и услы́шал мя еси́, научи́ мя оправданием Твоим.

**Сотрясéся страхом, Сло́ве, вся земля́, и денница́ лучы́ скры, велича́йшему в земли́ сокровéнному Твоему́ свéту.**

Путь оправданий Твоих вразуми́ ми, и поглумлю́ся в чудесéх Твоих.

**Яко человеќ у́бо умира́еши во́лею, Спа́се, яко Бог же смéртныя возста́вил еси́ от гробóв, и глубины́ грехóвныя.**

Воздрема́ душа́ моя от уны́ния, утверди́ мя в словесéх Твоих.

**Слезотóчная рыдания́ на Тебé, Чистая, Мáтерски, о Иисусе, накрапля́ющи вопия́ше: ка́ко погребу́ Тя, Сы́не?**

Путь неправды отста́ви от **Менé**, и за́коном Твоим поми́луй мя.

**Якоже пшени́чное зéрно, заше́д в нéдра земна́я, многопéрстный возда́л еси́ клас, возста́вив челове́ки, яже от Ада́ма.**

Путь и́стины изво́лих, и судьбы́ Твоя́ не забы́х.

**Под земле́ю скры́лся еси́ яко со́лнце ны́не, и но́щию смéртною покровéн был еси́, но возсия́й светле́йше, Спа́се.**

Прилепи́хся свидéнием Твоим, Го́споди, не посрами́ мене́.

**Якоже со́лнечный круг, луна́, Спа́се, сокрывáет, и Тебé ны́не гроб скры, сконча́вшагося смéртию плóтски.**

Путь за́поведей Твоих текóх, егда́ разшири́л еси́ сéрдце моé.

**Живо́т смéрти вкусивый Христóс, от смéрти смéртныя свободи́, и всем ны́не да́рует живо́т.**

Законоположи́ мне, Го́споди, путь оправданий Твоих и взыщу́ и́ вы́ну.

**Умерщвлéна дрéвле Ада́ма зависти́но, возводи́ши к животу́ умерщвлéнием Твоим, но́вый, Спа́се, во плóти явлéйся Ада́м.**

Вразуми́ мя, и испыта́ю за́кон Твой, и сохраню́ и́ всем сéрдцем моим.

**Умнии́ ты чини́, простéрта мéртва зря́ще нас ра́ди, ужаса́хуся, покрывáеми крилы́, Спа́се.**

Настáви мя на стезю́ за́поведей Твоих, яко ту́ю восхотéх.

**Снем ты, Сло́ве, от дрéва мéртва, во грóбе Иосиф ны́не положи́, но воста́ни спаса́яй вся́ яко Бог.**

Приклони сердце мое во свидения Твоя, а не в лихоймство.

**Ангельская, Спасе, радость быв, ныне и печали сим был еси виновен, видим плотию бездыханен мертв.**

Отврати очи мои, еже не видети суеты, в пути Твоем живи мя.

**Вознеслся еси на древе, и живущия человеки совозносиши: под землю же быв, лежащия под нею воскрешаеши.**

Постави рабу Твоему слово Твое в страх Твой.

**Якоже лев, Спасе, уснув плотию, яко некий скимен мертв востаеши, отложив старость плотскую.**

Отыми поношение мое, еже непщевах, яко судьбы Твоя благи.

**В ребра прободен был еси, ребро вземый Адамле, от негоже Еву создал еси, и источил еси токи очистительныя.**

Се возжелал заповеди Твоя, в правде Твоей живи мя.

**Тайно убо древле жрется Агнец, Ты же яве жрен быв, Незлобиве, всю тварь очистил еси, Спасе.**

И да придет на мя милость Твоя, Господи, спасение Твое по словеси Твоему.

**Кто изречет образ страшный воистинну новый? Владычествуй бо тварию, днесь страсть приемлет, и умирает нас ради.**

И отвечаю поношающим ми слово: яко уповах на словеса Твоя.

**Живота Сокровище, како зрится мертвый, ужасающися ангели зываху? Како же во гробе заключается Бог?**

И не отыми от уст моих словесе истинна до зела, яко на судьбы Твоя уповах.

**Копием прободеннаго, Спасе, из ребра Твоего, живот животом из живота спасаго мя искапаеши, и живиши мя с ним.**

И сохраню закон Твой выну, в век и в век века.

**Распростерт на древе, собрал еси человеки: в ребра же прободен, животочное всем оставление источаеши, Иисусе.**

И хождях в широте, яко заповеди Твоя взысках.

**Благообразный, Спасе, образует страшно, и погребает Тя яко мертва благообразно, и ужасается Твоего образа страшнаго.**

И глаголах о свидениях Твоих пред царей, и не стыдяхся.

**Под землёю хотением низшэд яко мертв, возводиши от земли к небесным отгуду падшыя, Иисусе.**

**И** поучахся в заповедех Твоих, яже возлюбих зело.

**Аще и мертв виден был еси, но живый яко Бог возводиши от земли к небесным отгуду падшыя, Иисусе.**

**И** воздвигох рuce мой к заповедем Твоим, яже возлюбих.

**Аще и мертв виден был еси, но жив яко Бог, умерщвлённая человеки оживил еси, моего умертвив умертвителя.**

**И** глумляхся во оправданиях Твоих.

**О, радости, оныя! О, многия сладости! Ихже во аде наболнил еси, во днах мрачных свет возсияв.**

**Помяни** словеса Твоя рабу Твоему, ихже упование дал ми еси.

**Покланяюся страсти, воспеваю погребение, величаю Твою державу, Человеколюбче, имиже свободихся страстей тлетворных.**

**То** мя утеши во смирении моём, яко слово Твое живи мя.

**На Тя меч обнажися, Христэ, и меч крепкаго убо притупляется, и меч же обращается Едемский.**

**Гордии** законопреступоваху до зела, от закона же Твоего не уклонихся.

**Агница Агнца зрящи в заколении, остриём прободяема рыдаше, сподвигши и стадо вопити.**

**Помянух** судьбы Твоя от века, Господи, и утешихся.

**Аще и во гробе погребаешися, аще и во ад идеши; но и гробы истошил еси, и ад обнажил еси, Христэ.**

**Печаль** прият мя от грешник, оставляющих закон Твой.

**Волею** низшел еси, Спасе, под землю, умерщвлённый человеки оживил еси, и возвел еси во славе Отчей.

**Петя** бяху мне оправдания Твоя на месте пришельствия моего.

**Троицы Един** во плоти нас ради поносную претерпе смерть, ужасается же солнце, и трепещет земля.

**Помянух** в нощи Имя Твое, Господи, и сохраних закон Твой.

**Яко** от источника горькаго, Иудова колена исчадия в рове положиша, питателя маннодавца Иисуса.

**Сей** бысть мне, яко оправданий Твоих взысках.

**Судия яко судимъ пред Пилатом судиёю, и предста, и смёртию неправедною осуждён бысть, дрёвом крёстным.**

Часть моя еси, Господи, Рех сохранить закон Твой.

**Гордый Израилю, убийственнии людие, что пострадавше, Варавву свободите, и Спаса предасте Кресту?**

Помолихся лицу Твоему всем сердцем моим, помилуй мя по словеси Твоему.

**Рукою Твоею создавый Адама от земли, того ради естеством был еси Человек, и распялся еси волею Твоею.**

Помыслих пути Твоя, и возвратих ноге мои во свидения Твоя.

**Послушав, Слове, Отца Твоего, даже до ада лютаго сошел еси, и воскресил еси род человеческий.**

Уготовихся, и не смутихся сохранить заповеди Твоя.

**Увы мне, Свете мира, увы мне, Свете Мой, Иисусе Мой возжеленный, вопияше Дева, рыдаючи горько зываше.**

Ужя грешник обязашася мне, и закона Твоего не забых.

**Завистливию, убийственнии и гордии людие, поне плащаницы и сударя Самого да стыдятся, воскресшу Христу.**

Полунощи востах, исповедатися Тебе о судьбах правды Твоея.

**Прииди убо, скверный убийце учениче, и нрав злобы Твоея покажи ми, имже был еси предатель Христов.**

Причастник аз есмь всем боящимся Тебе, и хранящим заповеди Твоя.

**Яко Человеколюбив некто притворяешься буге, и слепо всегубительнейший, неверный, миро продавый на цене.**

Милости Твоея, Господи, исполнь земли, оправданием Твоим научи мя.

**Небеснаго мира кую имел еси цену многоценнаго? Кое приял еси противодостойное; неистовство обрел еси проклятейший сатанб.**

Благость сотворил еси с рабом Твоим, Господи, по словеси Твоему.

**Аще нищелюбец еси, и о мире печалуеши истощаемом во очищение души, како на злате продаеши светозарна?**

Благости, и наказанию и разуму научи мя, яко заповедем Твоим веровах.

**О, Божий Слове! О, радости моя! Како претерплю тридневное Твое погребение? Ныне терзаюся утробю матерски.**

Прéжде да́же не смири́ти ми ся, аз прегрешíх, сего́ ради сло́во Твое́ сохрани́х.

**Кто даст Ми воду и слез исто́чники, Богоневéстная Дéва взыва́ше: да воспла́чу сла́дкаго Ми Иису́са.**

Благ еси́ Ты, Го́споди, и бла́гостию Твое́ю научи́ мя оправда́нием Твои́м.

**О го́ры и хо́лми, и челове́ков мно́жества воспла́чители, и вся рыда́йте со Мно́ю Бо́га вашего Ма́терию.**

Умно́жися на мя непра́вда го́рдых, аз же всем се́рдцем мои́м испыта́ю за́поведи Твоя́.

**Когда́ ви́жду Тя, Спа́се, безле́тнаго Све́та, ра́дость и сла́дость се́рдца моего́? Дéва го́рько вопия́ше.**

Усыри́ся я́ко млеко́ се́рдце их, аз же зако́ну Твоему́ поучи́хся.

**Аще и я́ко ка́мень, Спа́се, краесекóмый, Ты прия́л еси́ сече́ние, но источи́л еси́ живу́ю стру́ю, я́ко Исто́чник сый жи́зни.**

Бла́го мне, я́ко смири́л мя еси́, я́ко да научу́ся оправда́нием Твои́м.

**Я́ко от исто́чника еди́наго сугу́бою реко́ю ребро́м Твои́м излива́ющим напо́яющеся, безсме́ртную приобрета́ем жизнь.**

Благ мне зако́н уст Твои́х, па́че ты́сящ зла́та и сребра́.

**Бо́лею яви́лся еси́, Сло́ве, во грóбе мертв, но живéши, и челове́ки, я́коже предрéкл еси́, воскресéнием Твои́м, Спа́се мой, воздви́заеши.**

Сла́ва Отцу́, и Сы́ну, и Свято́му Ду́ху.

**Воспева́ем, Сло́ве, Тебе́, всех Бо́га, со Отце́м и Святы́м Твои́м Ду́хом, и сла́вим Божéственное Твое́ погребéние.**

И ны́не, и при́сно, и во ве́ки веко́в. **Ами́нь.**

**Блажи́м Тя, Богорóдице Чистая, и почита́ем тридне́вное погребéние Сы́на Твоего́, и Бо́га на́шего ве́рно.**

**И па́ки:**

**Жи́знь во грóбе положи́лся еси́, Христé, и Ангельская во́инства ужа́сахуся, снизхожде́ние сла́вяще Твое́.**

Го́споди, поми́луй. **Трижды.**

Сла́ва, и ны́не:

## Статія вторая

**Достойно есть величати Тя Жизнодавца, на Кресте руже простёршаго, и сокрушшаго державу вражию.**

Руже Твой сотвориште мя, и создаете мя; вразуми мя, и научуся заповедем Твоим.

**Достойно есть величати Тя, всех Зиждителя; Твоими бо страданьми и мамы безстрастие, избавльшися тления.**

Боящиися Тебе узрят мя и возвеселятся, яко на словеса Твоя уповах.

**Ужасеся земля, и солнце, Спасе, скрися, Тебе Невечернему Свету, Христе, зашедшу во гробе плотски.**

Разумех, Господи, яко правда судьбы Твоя, и воистинну смирил мя еси.

**Уснул еси, Христе, естественноживотным сном во гробе, и от тяжкаго сна греховнаго воздвигл еси род человеческий.**

Буди же милость Твоя, да утешит мя по словеси Твоему рабу Твоему.

**Едина жен кроме болезней родих Тя, Чадо, болезни же ныне терплю страстию Твоею нестерпимая, глаголаше Чистая.**

Да приидут мне щедроты Твоя, и жив буду, яко закон Твой поучение мое есть.

**Горе Тя, Спасе, неразлучно со Отцем суща, доле же мертва простёрта на земли ужасаются зряще Серафими.**

Да постыдятся гордии, яко неправедно беззаконноваша на мя, аз же поглумлюся в заповедех Твоих.

**Раздирается церковная завеса Твоим распятием, покрывают светила, Слове, свет, Тебе скрывшуся солнцу под землю.**

Да обратят мя боящиися Тебе, и ведящии свидения Твоя.

**Земли из начала едином манием водрузивый круг бездыханен, яко человек, зайде под землю: ужаснися видением небо.**

Буди сердце мое непорочно во оправданиях Твоих, яко да не постыжуся.

**Зашёл еси под землю, рукою Твоею создавый человека, да воздвигнеши от падения соборы человеческия всеильною державою.**

Исчезает во спасение Твое душа моя, на словеса Твоя уповах.

**Плач священный приидите воспоим Христу умершему, яко древле жены мирносицы, да и радуйся услышим с ними.**

Исчезо́ша о́чи мои́ в сло́во Твое́, глаго́люще: когда́ утэ́шиши мя?

**Ми́ро войсти́нну еси́ Ты, Сло́ве, неисто́щимо́е: те́мже Ти и ми́ра приноша́ху, я́ко ме́ртву живо́му, жены́ миронóсицы.**

Зане́ бых я́ко мех на сла́не, оправда́ний Твои́х не забы́х.

**Адова́ у́бо погребéн Ца́рствия, Христé, сокруша́еши, сме́ртию же сме́рть умерщвля́еши, и тлéния свобожда́еши земнорóдныя.**

Ко́лико е́сть дней раба́ Твоего́? Когда́ сотвори́ши ми от гоня́щих мя суд?

**То́ки жи́зни пролива́ющая Бо́жия Прему́дрость, во гроб заходя́щи животвори́т су́щия, в незаходи́мых а́довых ме́стех.**

Пове́даша мне законопресту́пницы глумлéния, но не я́ко за́кон Твой, Го́споди.

**Да челове́ческое обновлю́ сокруше́нное естество́, уязвлен есмь сме́ртию хотя́ плóтию, Ма́ти Моя́, не терза́йся рыда́ньми.**

Вся за́поведи Твоя́ и́стина, непра́ведно погна́ша мя, помози́ ми.

**Зашéл еси́ под зéмлю Светонóсец пра́вды, и ме́ртвыя я́коже от сна воздви́гл еси́, отгна́в всякую тьму су́щую во аде.**

Вма́ле не сконча́ша мене́ на земли́: аз же не оста́вих за́поведей Твои́х.

**Зерно́ двоера́сленное, естественнóжизненное, в бока́ земна́я се́ется со слеза́ми днесь: но прозя́бше, мир радóстносотвори́т.**

По ми́лости Твое́й живи́ мя, и сохраню́ свидéния уст Твои́х.

**Убо́йся Адам, Бо́гу ходя́щу в ра́й, радуется же ко аду соше́дшу, пады́й прéжде, и ны́не воздви́заемь.**

Во век, Го́споди, сло́во Твое́ пребыва́ет на Небеси́.

**Жрет Тебе́ жéртвы слéзныя Рóждшая Тя, Христé, плóтию положéну во грóбе, вопи́ющи: воста́ни, Ча́до, я́коже предрéкл еси́.**

В род и род и́стина Твоя́, основал еси́ зéмлю и пребыва́ет.

**Во грóбе Ио́сиф благоговéйно Тя нóвем сокрыва́я, пéсни исхóдныя благолéпныя поёт Тебе́, смешéныя рыда́ньми, Спа́се.**

Учинéнием Твои́м пребыва́ет день, я́ко вся́ческая рабóтна Тебе́.

**Гвоздьми́ Тя Кресту́ пригвожде́на, Ма́ти Твоя́, Сло́ве, зря́щи, гвоздьми́ печáли горькия пронза́ет, и стрéлами ду́шу.**

Я́ко а́ще бы не за́кон Твой поучéние моé был, тогда́ у́бо погíбл бых во смире́нии моéм.



**Тя всех Наслаждѣние Мати зрящи, питиѣм напаяема горьким, слезами лице омакает горце.**

**Во век не забуду оправданий Твоих, яко в них оживил мя еси.**

**Уязвляюся люте, и растерзаюся утробою, Слове, зрящи неправедное Твое заклѣние, глаголаше Пречистая с плачем.**

**Твой есмь аз, спаси мя, яко оправданий Твоих взысках.**

**Око сладкое, и устне Твой како заключу, Слове? Како же Ты мертволѣпно погребу? Ужасаюся, вопияше Иосиф.**

**Менѣ ждаша грѣшницы погубити мя, свидѣния Твоя разумѣх.**

**Пѣсни Иосиф и Никодим надгробныя поют Христу умершему ныне, поют же с ними и Серафими.**

**Всякия кончины видех конец, широка заповедь Твоя зело.**

**Заходиши под землю, Спасе, Солнце правды; темже рождшая Ты Луну печальми оскудевает, вида Твоего лишаем.**

**Коль возлюбих закон Твой, Господи, весь день поучение мое есть.**

**Ужасеся ад, Спасе, зря Тя Жизнодавца, богатство онаго упражняюща, и яже от века мертвыя возставающа.**

**Паче враг моих умудрил мя еси заповедию Твоею, яко в век моя есть.**

**Солнце свет возсиявает по нощи, Слове, и Ты же воскрес, просияваеши по смерти ясно, яко от чертога.**

**Паче всех учащих мя разумѣх, яко свидѣния Твоя поучение мое есть.**

**Земля Тя, Создателю, в недра приемши, трепетом содержима, Спасе, трясется, успивши мертвыя трясением.**

**Паче старец разумѣх, яко заповеди Твоя взысках.**

**Миры Тя, Христѣ, Никодим и Благообразный, ныне новолѣпно помазующе, ужаснися, вопияху, вся земля.**

**От всякаго пути лукава возбраних ногам моим, яко да сохраню словеса Твоя.**

**Зашел еси, Светотворче, и с Тобою зайде свет солнца: трепетом же тварь содержится, всех Тя проповѣдаючи Творца.**

**От судьб Твоих не уклонихся, яко Ты законоположил ми еси.**

**Камень** углаждённый краугольный покрывает камень, человек же смертный, яко смертна Бóга, покрывает ныне во гробе: ужаснися, землё.

Коль сладка гортани Моему словеса Твоя, паче мёда устом моим.

**Виждь** ученика, егóже любил еси, и Твою Матерь, Чáдо, и вещание даждь сладчайшее, взываше плачущи Чистая.

От заповедей Твоих разумех, сего ради возненавидех всяк Путь неправды.

**Ты, Слове,** яко сый животá дáтель, иудеов, на Кресте прострыйся, не умертвил еси, но воскресил еси и сих мёртвыя.

Светильник ногама моима закон Твой, и свет стезям моим.

**Добрóты, Слове,** прёжде не имёл еси, ниже вида, егда страдал еси: но воскрес провозсиял еси, удобрив человеки Божественными зарями.

Кляхся, и поставих, сохранити судьбы правды Твоея.

**Зашёл еси плóтию** в зёмлю Невечёрний Светонóсец, и не терпя зрети солнце помёрче, полудни ещё сущу.

Смирись до зела, Гóсподи, живи мя по словеси Твоему.

**Солнце** вкупе и луна помёркше, Спасе, рабом благоразумным образовахуся, иже в чёрныя одёжды облачатся.

Вóльная уст моих благоволи же Гóсподи, и судьбам Твоим научи мя.

**Ви́де Тя, Бóга, сóтник,** аще и умертвился еси, како Тя úбо, Бóже мой, осяжу рукама; ужасаюся, вопияше Иóсиф.

Душа́ моя в руку Твоею выну, и закона Твоего не забых.

**Усну́ Ада́м,** но смерть из ребр извóдит: Ты же ныне усну́л еси, Сло́ве Бóжий, источаеши от ребр Твоих мiрови жизнь.

Положиша грёшницы сеть мне, и от заповедей Твоих не заблудих.

**Усну́л еси ма́ло,** и оживил еси умершыя, и воскрес, воскресил еси спящыя от вéка, Бла́же.

Наслédовах свидения Твоя во век, яко радование сердца моего суть.

**Взят еси от земли,** но источил еси спасения вино́, животóчная лозó: прославляю страсть и Крест.

Приклоних сердце моё, сотворити оправдания Твоя во век за воздаяние.

**Ка́ко умная чинонача́лия Тя, Спа́се, пою́т, на́га, окрова́влена, осужде́на, терпе́ща дерзость распина́телей?**

Законопресту́пныя возненави́дех, зако́н же Твой возлюбих.

**Обруче́нный, стрóпотнейший ро́де евре́йский, ве́дал еси́ воздви́жение хра́ма, почто́ осуди́л еси́ Христа́?**

Помо́щник мой и Засту́пник мой еси́ Ты, на словеса́ Твоя́ упова́х.

**Во оде́жду поруга́ния, украси́теля всех облака́еши, и́же не́бо утверди́, и зе́млю украси́ чу́дно.**

Укло́нитесь от Мене́ лука́внующи, и испыта́ю за́поведи Бо́га моего́.

**Якоже неясы́ть уязвлен в ре́бра Твоя́, Сло́ве, о́троки Твоя́ умершья́ оживи́л еси́, иска́пав живóтныя им то́ки.**

Засту́пи мя по словеси́ Твоему́, и жив бу́ду, и не посрами́ мене́ от ча́яния моего́.

**Сóлнце пре́жде уста́ви Иису́с, иноплеме́нники секи́й: Ты же скры́лся еси́, низлага́я тьмы нача́льника.**

Помози́ ми, и спасу́ся, и поучу́ся во оправда́ниих Твои́х вы́ну.

**Недр оте́ческих неисхо́ден пребы́в, Ще́дре, и челове́к бы́ти благоволи́л еси́, и во ад снизше́л еси́, Христе́.**

Уничижи́л еси́ вся отступа́ющыя от оправда́ний Твои́х, яко непра́ведно помышле́ние их.

**Взя́тся распный́ся, И́же на вода́х зе́млю пове́шей, и яко бездыха́нен в ней ны́не возлега́ет: я́же не терпе́щи тряса́шеся лю́те.**

Преступа́ющыя непщева́х вся грешны́я земли́, сего́ ра́ди возлюбих свиде́ния Твоя́.

**Увы́ Мне, о Сы́не! Неискусому́жная рыда́ше глаго́лющи: Его́же бо я́ко ца́ря наде́яхся, осужде́на зрю ны́не на Кресте́.**

Пригвозди́ стра́ху Твоему́ плóти моя́, от суде́б бо Твои́х убо́яхся.

**Сия́ Гаври́ил мне возвести́, егда́ слете́, и́же Ца́рство ве́чное рече́, Сы́на Моего́ Иису́са.**

Сотвори́х суд и пра́вду, не преда́ждь мене́ оби́дящым мя.

**Увы́, Симеóново соверши́ся проро́чество: Твой бо меч про́йде се́рдце Моё́, Еммануиле.**

Восприими́ раба́ Твоего́ во бла́го, да не оклевета́ют мене́ го́рдии.

**Понé сущих от мёртвых постыд́итесь, о иудее! Ихже Животодавец  
возста́ви, Егóже вы уб́и́сте зависти́но.**

Очи мои исчезо́сте во спасе́ние Твое́, и в сло́во пра́вды Твоея́.

**Ужасе́ся ви́девшее Невидимый Свёте, Тебе́, Христé мой, во грóбе  
сокрыва́ема, бездыха́нна же, и помрачи́ со́лнце свет.**

Сотвори́ с рабо́м Твои́м по ми́лости Твое́й, и оправда́нием Твои́м научи́  
мя.

**Пла́каше го́рько Пренепоро́чная Мати Твоя́, Сло́ве, егда́ во грóбе  
ви́де Тебе́ неизрече́ннаго и безнача́льнаго Бо́га.**

Раб Твой есмь аз, вразуми́ мя, и увём свидéния Твоя́.

**Мёртвость Твою́, нетле́нная, Христé, Ма́ти Твоя́ зря́щи, го́рько к  
Тебе́ веща́ше: не косни́, Животе́, в мёртвых.**

Вре́мя сотвори́ти Го́сподеви, разори́ша зако́н Твой.

**Ад лю́тый потрепета́, егда́ Тя ви́де со́лнце сла́вы, Безсме́ртне, и  
издава́ше ю́зники тща́тельно.**

Сего́ ра́ди возлюбих за́поведи Твоя́, па́че зла́та и топа́зия.

**Ве́лие и ужа́сное видéние ны́не зри́тся, живота́ сый ви́новный,  
смерть подъя́т, оживи́ти хотя́ всех.**

Сего́ ра́ди ко всем за́поведем Твои́м направля́хся, всяк путь непра́вды  
возненави́дех.

**Пробода́ешия в ре́бра, и пригвожда́ешия, Влады́ко, рука́ми, я́зву  
от ребра́ Ты исцеля́я, и невоздержáние рук праоте́ц.**

Дивна свидéния Твоя́, сего́ ра́ди испыта́ я душа́ моя́.

**Пре́жде Рахи́лина сы́на пла́каше всяк и́же в дому́, и Сы́на Дéвья  
рыда́ху учени́к лик с Ма́терию.**

Явлéние словéс Твои́х просвещáет и вразумля́ет младе́нцы.

**Ударéние рук да́ша Христóвой лани́те, руко́ю челове́ка созда́вшего,  
и че́люсти зве́ря сокруши́вшего.**

Уста́ моя́ отверзо́х, и привлеко́х дух, я́ко за́поведей Твои́х желях.

**Пёсньми Твое́, Христé, ны́не распя́тие и погребéние, вси ве́рнии  
празднуем, изба́вльшеся сме́рти погребéнием Твои́м.**

Сла́ва Отцу́, и Сы́ну, и Свято́му Ду́ху.

**Безнача́льне Бо́же, Соприсносу́щне Сло́ве, и Ду́ше Святы́й, укрепи́ на рáтныя, я́ко благ.**

**И ны́не и прѣсно, и во ве́ки веко́в. Ами́нь.**

**Жизнь ро́ждшая, Пренепоро́чная Чѣстая Де́во, утоли́ церковныя собла́зны, и пода́ждь мир я́ко Благáя.**

**И па́ки:**

**Досто́йно есть велича́ти Тя Жизнода́вца, на Кресте́ рúце просте́ршаго, и сокру́шшаго держа́ву вра́жию.**

**Го́споди, поми́луй. Трижды.**

**Сла́ва, и ны́не:**

**Статія́ трéтия**

**Глас 3**

**Рóди вси песнь погребéнию Твоему́ принóсят, Христé мой.**

**При́зри на мя и поми́луй мя, по суду любящих Имя Твое́.**

**Снем с дрéва и́же от Аримафе́а, плащаницею обвив во грóбе Тя погребáет.**

**Стопы́ моя напра́ви по словеси́ Твоему́, и да не облада́ет мно́ю всякое беззакóние.**

**Миронóсицы приидóша ми́ра Тебé, Христé мой, нося́щыя премúдро.**

**Изба́ви мя от клеветы́ челове́ческа, и сохраню́ за́поведи Твоя́.**

**Гряди́, вся тварь, пéсни исходныя принесéм Зиждителю́.**

**Лице́ Твое́ просвети́ на раба́ Твоего́, и научи́ мя оправдáнием Твоим.**

**Яко мёртва Живáго, с миронóсицами вси миропомáжем мúдренно.**

**Исходи́ща водна́я изведóсте óчи мои́, понéже не сохрани́х закóна Твоего́.**

**Иóсифе треблаже́нне, погреби́ тéло Христá Жизнода́вца.**

**Пра́веден еси́, Го́споди, и пра́ви суди́ Твои́.**

**Ихже воспита́ мánною, воздвигóша пята́ на Благоде́теля.**

**Заповéдал еси́ пра́вду, свидéния Твоя́, и и́стину зело.**

**Ихже воспита́ мánною, принóсят Спасу́ желчь кúпно и óцет.**

**Иста́яла мя есть ре́вность Твоя́, я́ко забы́ша словеса́ Твоя́ врази́ мои́.**

**О пребезúмия и христубийства пророкоуби́йц!**

Разжжено слово Твое зело, и раб Твой возлюбил е.

**Якоже безумный служитель, предаде ученик Бездну Премудрости.**

Юнейший аз есмь и уничижен, оправданий Твоих не забых.

**Избавителя оставив, пленник оставися льстивый Иуда.**

Правда Твоя правда во век, и закон Твой истина.

**По Соломону ров глубокий, уста еврей беззаконных.**

Скорби и нужди обретоша мя, заповеди Твоя поучение мое.

**В стропотных шествиих евреев беззаконных, волчцы и сети.**

Правда свидения Твоя в век, вразуми мя, и жив буду.

**Иосиф погребает с Никодимом, мертволепно Зиждителя.**

Возвах всем сердцем моим, услыши мя, Господи, оправдания Твоя  
взыщу.

**Жизнодавче, Спасе, слава державе Твоей, ад разоршей.**

Возвах Ти, спаси мя, и сохраню свидения Твоя.

**Лежаща Тя, Пречистая, видящи, Слове, матеролепно плакаше.**

Предварих в безгодии, и возвах, на словеса Твоя уповах.

**О сладчайшая Моя Весно, сладчайшее Моё Чадо, где Твоя зайде  
доброта?**

Предваристе очи мои ко утру, поучитися словесем Твоим.

**Плач сподвизаше Всечистая Твоя Мати, Тебе, Слове, умершу.**

Глас мой услыши, Господи, по милости Твоей, по судьбе Твоей живи мя.

**Жены с миры приидоша помазати Христа, Божественного мира.**

Приближишася гонящии мя беззаконием, от закона же Твоего  
удалишася.

**Смерть смертию Ты умерщвляеши, Боже мой, Божественною силою  
Твоею.**

Близ еси Ты, Господи, и вси пути Твоя истина.

**Прельстися прелестник, прельстивыйся избавляется премудростию  
Твоею, Боже мой.**

И сперва познах от свидений Твоих, яко в век основал я еси.

**Во дно адово низведен бысть предатель, в кладенец истления.**

Виждь смирение мое, и изми мя, яко закона Твоего не забудь.

**Волцы и сети путие треокайного безумнаго Иуды.**

Суди суд мой, и избави мя, словесе ради Твоего живи мя.

**Вси спогибают распинателие Твои, Слове, Сыне Божий Всецарю.**

Далече от грешник спасение, яко оправданий Твоих не взыскаша.

**В кладенец истления вси спогибают мужие кровей.**

Щедроты Твоя многи, Господи, по судьбе Твоей живи мя.

**Сыне Божий Всецарю, Боже мой, Создателю мой, како страсть подъял еси?**

Мнози изгонящи мя и стужающи ми, от свидений Твоих не уклонихся.

**Юница тельца на древе повешена зываше зрящи.**

Видех неразумевающыя и истаях, яко словес Твоих не сохраниша.

**Тело живоносное Иосиф погребает с Никодимом.**

Виждь, яко заповеди Твоя возлюбих, Господи, по милости Твоей живи мя.

**Зываше Отроковица тепле слезы точащи, утробою прободяема.**

Начало словес Твоих истина, и во век вся судьбы правды Твоея.

**Свете очию Мою, сладчайшее Моё Чадо, како во гробе ныне покрываешия?**

Князи погнаша мя туне, и от словес Твоих убояся сердце мое.

**Адама и Еву свободити, Мати не рыдай, сия стражду.**

Возрадуюся аз о словесех Твоих, яко обретаяй корысть многу.

**Прославляю Твое, Сыне Мой, крайнее благоутробие, егже ради сия страждеши.**

Неправду возненавидех и омерзих, закон же Твой возлюбих.

**Оцтом напоен был еси и желчию, Щедре, древнее разрешая вкушение.**

Седмерицею днем хвалих Тя, о судьбах правды Твоея.

**На Кресте пригвоздился еси, древле люди Твои столпом облачным покрываяй.**

Мир мног любящим закон Твой, и несть им соблазна.

**Миронóсицы, Спа́се, ко грóбу пришéдшыя, мíра принесóша Тебé.**

Ча́ях спасéния Твоегó, Гóсподи, и за́поведи Твой возлюбíх.

**Востáни, Ще́дре, от прóпастей áдских возставля́й нас.**

Сохрани́ душа́ мой свидéния Твоя́, и возлюбí я зело́.

**Воскресни́, Жизнода́вче, рóждшая Тя Ма́ти, слéзы точáщи, глаго́лет.**

Сохрани́х за́поведи Твоя́ и свидéния Твоя́, я́ко вси путиé мой пред Тобóю, Гóсподи.

**Потщíся воскресну́ти, печáль разрешáя, Сло́ве, чíсто рóждшыя Тя.**

Да прибли́жится молéние моé пред Тя, Гóсподи, по словеси́ Твоему́ вразумí мя.

**Небéсныя сíлы ужасóшася стра́хом, мёртва Тя зряще.**

Да вни́дет прошéние моé пред Тя, Гóсподи, по словеси́ Твоему́ избáви мя.

**Любóвию же и стра́хом стра́сти Твоя́ почита́ющим, даждь прегрешéний разрешéние.**

Отры́гнут устне́ мой пéние, егда́ научи́ши мя оправда́нием Твои́м.

**О ужáснаго и страна́наго видéния, Бóжий Сло́ве! Ка́ко земля́ Тя спокрыва́ет?**

Просвещáет язык мой словеса́ Твоя́, я́ко вся за́поведи Твоя́ правда.

**Нося́й Тя дрéвле, Спа́се, Ио́сиф бе́гает, и ны́не Тя ины́й погреба́ет.**

Да бу́дет рука́ Твоя́ е́же спасти́ мя, я́ко за́поведи Твоя́ изво́лих.

**Пла́чет и рыда́ет Тя Пречи́стая Ма́ти Твоя́, Спа́се мой, умерщвлéннаго.**

Возжела́х спасéние Твое́, Гóсподи, и за́кон Твой поучéние моé есть.

**Ужаса́ются умы страна́наго и ужаснаго, Тебé всех Созда́теля, погребе́ния.**

Живá бу́дет душа́ моя́, и восхва́лит Тя, и судьбы́ Твоя́ помóгут мне.

**Излия́ша на гроб миронóсицы мíра, зело́ ра́но пришéдшыя.**

Заблуди́х я́ко овча́ поги́бшее, взыщи́ раба́ Твоегó, я́ко за́поведей Твои́х не забы́х.

**Мир Це́ркви, лю́дем Твои́м спасéние да́руй востáнием Твои́м.**

Сла́ва Отцу́, и Сы́ну, и Свято́му Ду́ху.

**О, Трои́це Бóже мой, Отче, Сы́не и Ду́ше, помíлуй мир.**



**И** ны́не, и прѣсно, и во ве́ки веко́в. **Ами́нь.**

**Ви́дети Твоего́ Сы́на воскресе́ние, Де́во, сподо́би Твоя́ рабы.**

**И а́бие:**

**ТРОПАРИ ВОСКРЕ́СНЫ ПО НЕПОРО́ЧНАХ, ГЛАС 5:**

**Благословѣн еси́, Го́споди, научи́ мя оправда́нием Твои́м.**

**Ангельский собо́р удивѣся, / зря́ Тебе́ в ме́ртвых вмени́вшася, / сме́ртную же, Спа́се, кре́пость разори́вша, / и с Собо́ю Ада́ма воздви́гша, / и от а́да вся свобо́ждша.**

**Благословѣн еси́, Го́споди, научи́ мя оправда́нием Твои́м.**

**Почто́ ми́ра с ми́лостивными слеза́ми, / о учени́цы, раство́ряете? / Блиста́йся во гробе́ Ангел ми́роно́сицам веща́ше: / ви́дите вы гроб и уразуме́йте, / Спас бо воскресе́ от гроба́.**

**Благословѣн еси́, Го́споди, научи́ мя оправда́нием Твои́м.**

**Зело́ ра́но ми́роно́сицы теча́ху / ко гробу́ Твоему́ рыда́ющия, / но предста́ к ним Ангел и рече́: / рыда́ния вре́мя преста́, не пла́чите, / воскресе́ние же апо́столом рцы́те.**

**Благословѣн еси́, Го́споди, научи́ мя оправда́нием Твои́м.**

**Ми́роно́сицы жены́ с ми́ры прише́дшия / ко гробу́ Твоему́, Спа́се, рыда́ху, / Ангел же к ним рече́, глаго́ля: / что с ме́ртвыми жива́го помышля́ете? / Яко Бог бо, воскресе́ от гроба́.**

**Сла́ва: Покло́нимся Отцу́ / и Его́ Сы́нови, и Свято́му Ду́ху, / Святе́й Трѣице во еди́ном существе́, / с Серафи́мы зову́ще: / Свят, Свят, Свят еси́, Го́споди.**

**И ны́не: Жи́знода́вца ро́ждши, / греха́, Де́во, Ада́ма изба́вила еси́, / ра́дость же Е́ве / в печа́ли ме́сто подала́ еси́, / па́дшия же от жи́зни / к сей напра́ви / из Тебе́ воплотѣ́выйся Бог и Чело́век.**

**Аллилу́ия, аллилу́ия, аллилу́ия, сла́ва Тебе́, Бо́же. Трижды.**

**Го́споди, поми́луй. Трижды.**

**Сла́ва, и ны́не:**

**Седален:**

**Плащани́цею чи́стою и арома́ты Божѣ́ственными Тѣло Честно́е, испросѣ́в у Пила́та, миропомазу́ет и полага́ет Ио́сиф в но́вом гробе́. Те́мже ура́нши ми́роно́сицы же́ны, возопѣ́ша: покажи́ нам, я́коже предрѣ́кл еси́, Христе́, воскресе́ние.**

Сла́ва, и ны́не:

**Ужасо́шася ли́цы Ангельсти́и зря́ще Седя́щаго в не́дрех Отчих, ка́ко во гроб полага́ется я́ко мертв, Безсме́ртный, Егб́же чи́ни Ангельсти́и окружа́ют, и сла́вят с ме́ртвыми во аде, я́ко Зижди́теля и Го́спода.**

### Псалом 50

Помилуй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззакони́е моё. Наипа́че омы́й мя от беззакони́я моего́, и от греха́ моего́ очисти́ мя; я́ко беззакони́е моё аз зна́ю, и грех мой предо мно́ю есть вы́ну. Тебе́ еди́ному согреших, и лука́вое пред Тобо́ю сотвори́х; я́ко да оправди́шия во словесе́х Твои́х, и победи́ши, внегда́ суди́ти Ти. Се́ бо в беззакони́их зачат есмь, и во гресе́х роди́ мя ма́ти моя́. Се́ бо и́стину возлюбил еси́, безвёстная и та́йная премудрости Твоея́ явил ми еси́. Окропи́ши мя иссо́пом, и очи́шуся; омы́еши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех мои́х, и вся беззакони́я моя́ очисти́. Сёрдце чи́сто сози́жди во мне, Бо́же, и дух прав обнови́ во утро́бе мое́й. Не отве́ржи мене́ от лица́ Твоего́, и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́, и Ду́хом Влады́чним утверди́ мя. Научу́ беззаконны́я путе́м Твои́м, и нечестивии к Тебе́ обратя́тся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои́ отве́рзеши, и уста́ моя́ возвестя́т хвалу́ Твою́. Яко́ а́ще бы восхоте́л еси́ же́ртвы, дал бых у́бо: всесоже́ния не благоволи́ши. Же́ртва Бо́гу дух сокруше́н; сёрдце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́ждутся стёны Иерусали́мския. Тогда́ благоволи́ши же́ртву пра́вды, возноше́ние и всесожега́емая; тогда́ возложáт на олта́рь Твой тельцы́.

### КАНО́Н, ГЛАС 6

От пе́рвья пе́сни до шесты́я  
творе́ние Ма́рка мона́ха, епи́скопа Идру́нтского,  
ирмосы́ же творе́ние жены́ не́кия, Кассии́ имену́емая.

От шесты́я же пе́сни до конца́ творе́ние  
господи́на Космы́

### Песнь 1

**Ирмо́с:** Волно́ю морско́ю Скрывша́го дре́вле гони́теля мучи́теля, под земле́ю скры́ша спасе́нных о́троцы: но мы́ я́ко отрокови́цы Го́сподеву́ поим, сла́вно бо просла́вися.

**Припе́в:** Сла́ва Тебе́, Бо́же наш, сла́ва Тебе́.

**Господи Боже мой, исходное пение, и надгробную Тебе песнь воспою, погребением Твоим жизни моея входы отверзшему, и смертию смерть и ад умертвившему.**

Слава Тебе, Боже наш, слава Тебе.

**Горе Тя на престоле, и доле во гробе, премирная и подземная помышляющая, Спасе мой, зыбляхуся умерщвлением Твоим: паче ума бо, виден был еси мертв. Живоначальниче.**

Слава Отцу, и Сыну, и Святому Духу, и ныне и присно, и во веки веков. **Аминь.**

**Да Твоея славы вся исполниши, сшел еси в нижняя земли: от Тебе бо не скрыся состав мой иже во Адаме, и погребен истлевша мя обновляеши, Человеколюбче.**

**Катавасия:** Волною морскою Скрывшаго древле гонителя мучителя, под землею скрыша спасенных отроцы: но мы яко отроковицы Господеви поим, славно бо прославися.

### **Песнь 3**

**Ирмос:** Тебе, на водах Повесившаго всю землю неодолимо, тварь видевши на Лобнем висима, ужасом многим содрогашеся, несть Свят, разве Тебе, Господи, взывающи.

Слава Тебе, Боже наш, слава Тебе.

**Образы погребения Твоего показал еси, видения умножив: ныне же сокровенная Твоя Богомужно уяснил еси, и сущим во аде Владыко, несть Свят, разве Тебе, Господи, взывающим.**

Слава Тебе, Боже наш, слава Тебе.

**Простерл еси длани, и соединил еси древле разстоящая: одеянием же, Спасе, еже в плащанице и во гробе, окованныя разрешил еси, несть Свят, разве Тебе, Господи, взывающыя.**

Слава Отцу, и Сыну, и Святому Духу, и ныне и присно, и во веки веков. **Аминь.**

**Гробом и печатями, Невместиме, содержимь был еси хотением: ибо силу Твою действия показал еси, богодейственно поющим: несть Свят, разве Тебе, Господи Человеколюбче.**

**Катавасия:** Тебе, на водах Повесившаго всю землю неодолимо, тварь видевши на Лобнем висима, ужасом многим содрогашеся, несть Свят, разве Тебе, Господи, взывающи.

Господи, помилуй. Трижды.

Слава, и ныне:

Седален, глас 1:

**Гроб Твой, Спасе, воины стрегущии, мертви от облистания являшагося Ангела быша, проповедающая женам воскресение. Тебе славим тли Потребителя, Тебе припадаем воскресшему из гроба, и Единому Богу нашему.**

#### Песнь 4

**Ирмос:** На Кресте Твое Божественное истощание провидя Аввакум, ужасся вопияше: Ты сильных пресекл еси державу, Блаже, приобщался сущым во аде, яко Всесилен.

Слава Тебе, Боже наш, слава Тебе.

**Седмый день днесь освятил еси, егже древле благословил еси упокоением дел: преводиши бо всяческая и обновляеши, субботаствуя, Спасе мой, и назидая.**

Слава Тебе, Боже наш, слава Тебе.

**Силою лучшаго, победившаго Тебе, от плоти душа Твоя разделися: растерзаючи бо обою узы, смерти и ада, Слове, державою Твоею.**

Слава Отцу, и Сыну, и Святому Духу, и ныне и присно, и во веки веков. **Аминь.**

**Ад, Слове, срет Тя огорчися, Человека зря обожена, уязвлена ранами, и Всесильнодетеля, Страшным же зраком погйбе.**

**Катавасия:** На Кресте Твое Божественное истощание провидя Аввакум, ужасся вопияше: Ты сильных пресекл еси державу, Блаже, приобщался сущым во аде, яко Всесилен..

#### Песнь 5

**Ирмос:** Богоявления Твоего, Христе, к нам милостивно бывшаго, Исаиа Свет виде в Невечерний, из ноци утреневав взываше: воскреснут мертви, и востанут сущии во гробех, и вси земнороднии возрадуются.

Слава Тебе, Боже наш, слава Тебе.

**Новотвориши земныя Создателю, перстен быв, и плащаница и гроб являют еже в Тебе, Слове, таинство: благообразный бо советник, Тебе, рождшаго совет, образует, в Тебе велелепно новотворящаго мя.**

Слава Тебе, Боже наш, слава Тебе.

**Смертию смертное, погребением тленное прелагаеши, нетленно твориши бо, благолепно безсмертно творя приятие: плоть бо Твоя истления не виде, Владыко, ниже душа Твоя во аде страннолепно оставлена бысть.**

Слава Отцу, и Сыну, и Святому Духу, и ныне и присно, и во веки веков.  
Аминь.

**Из Небратных прошед, и прободен в ребра, Содетелю мой, из Нея соделал еси обновление Евино, Адам быв, уснув паче естества сном естественным, и жизнь воздвигнув от сна и тления яко Всесилен.**

**Катавасия:** Богоявления Твоего, Христе, к нам милостивно бывшаго, Исаия Свет виде Невечерний, из нощи утреневав взываше: воскреснут мертвии, и востанут сущии во гробех, и вси земнороднии возрадуются.

### Песнь 6

**Ирмос:** Ят бысть, но не удержан в персех китовых Иона: Твой бо образ нося, страдавшаго, и погребению давшагося, яко от чертога от зверя изыде, приглашаше же кустодии: хранящим суетная и ложная, милость сию оставили есте.

Слава Тебе, Боже наш, слава Тебе.

**Биен был еси, но не разделился, еси, Слове, еяже причастился еси плоти: аще бо и разорился Твой храм во время страсти, но и тако един бе состав Божества и плоти Твоея. Во обоих бо един еси Сын, Слово Божие, Бог и Человек.**

Слава Тебе, Боже наш, слава Тебе.

**Человекоубийственно, но не богоубийственно бысть прегрешение Адамово: аще бо и пострада Твоея плоти перстное существо, но Божество безстрастно пребысть: тленное же Твое на нетление предложил еси, и нетленные жизни показал еси Источником воскресением.**

Слава Отцу, и Сыну, и Святому Духу, и ныне и присно, и во веки веков.  
Аминь.

**Царствует ад, но не вечнует, над родом человеческим: Ты бо положся во гробе державне. Живоначальною дланию, смерти ключи развергл еси, и проповедал еси от века тамо спящим избавление неложное, быв Спасе мертвым Первенец.**

**Катавасия:** Ят бысть, но не удержан в персех китовых Иона: Твой бо образ нося, страдавшаго, и погребению давшагося, яко от чертога от зверя

изыде, приглашаше же кустодии: хранящим суетная и ложная, милость сию оставили есте.

**Господи, помилуй. Трижды.**

**Слава, и ныне:**

**Кондак, глас 6:**

**Бездну заключивый, мертв зрится, и сминою и плащаницею обвився, во гробе полагается яко смертный Безсмертный: жены же приидоша помазати Его миром, плачущая горько и вопиющая: сий суббота есть преблагословенная, в нейже Христос уснув воскреснет тридневен.**

**Икос:**

**Содержай вся на Кресте вознесся, и рыдает вся тварь, Того видящи нага висяща на древе, солнце лучы сокры, и звезды отложиша свет, земля же со многим страхом поколебася, и море побеже, и камение распадеся, гробы же мнози отверзошася, и телеса восташа святых мужей. Ад низу стенет, и иудее советуют оклеветати Христова Воскресение, жены же зывают: Сия суббота есть преблагословенная, в нейже Христос уснув воскреснет тридневен.**

**Песнь 7**

**Ирмос:** **Неизреченное чудо, в пещи Избавивый преподобныя отроки из пламене, во гробе мертв бездыханен полагается, во спасение нас поющих: Избавителю Боже, благословен еси.**

**Слава Тебе, Боже наш, слава Тебе.**

**Уязвися ад, в сердце прием Уязвеннаго копием в ребра, и воздыхает огнем Божественным иждиваемь, во спасение нас поющих: Избавителю Боже, благословен еси.**

**Слава Тебе, Боже наш, слава Тебе.**

**Богат гроб, в себе бо прием яко спяща Содетеля, жизни Божественное сокровище показася, во спасение нас поющих: Избавителю Боже, благословен еси.**

**Слава Тебе, Боже наш, слава Тебе.**

**Законом умерших еже во гробе положение, всех приемлет жизнь, и сего источника показует востания, во спасение нас поющих: Избавителю Боже, благословен еси.**

Сла́ва Отцу́, и Сы́ну, и Свято́му Ду́ху, и ны́не и при́сно, и во ве́ки веко́в. Ами́нь.

**Еди́но** бяше неразлу́чное, е́же во аде, и во гробе, и во Еде́ме, Бо́жество Христо́во, со Отце́м и Ду́хом, во спасе́ние нас пою́щих: **Изба́вителю Бо́же, благослове́н еси́.**

**Катава́сия:** Неизрече́нное чудо, в пещи́ Изба́вивый преподо́бныя о́троки из пла́мене, во гробе мертв бездыха́нен полага́ется, во спасе́ние нас пою́щих: **Изба́вителю Бо́же, благослове́н еси́.**

### **Песнь 8**

**Ирмо́с:** Ужасни́ся бойся́ не́бо, и да подви́жатся основа́ния земли́: се бо в мертвецéх вменя́ется в Вы́шних живы́й, и во гроб мал странноприе́млется. Егóже о́троцы благослови́те, священни́цы воспóйте, лю́дие превозноси́те во вся ве́ки.

Сла́ва Тебе́, Бо́же наш, сла́ва Тебе́.

**Разруши́ся** Пречи́стый Храм, па́дшую же совозстavlя́ет ски́нию: **Ада́му бо пе́рвому Вто́рый, Иже в Вы́шних живы́й, снiде да́же до а́довых сокро́вищ.** Егóже о́троцы благослови́те, священни́цы воспóйте, лю́дие превозноси́те во вся ве́ки.

Сла́ва Тебе́, Бо́же наш, сла́ва Тебе́.

**Преста** де́рзость ученико́в, Аримафе́й же изря́дствует Иосиф: **ме́ртва бо и на́га зря над все́ми Бо́га, про́сит и погреба́ет, зовы́й:** о́троцы благослови́те, священни́цы воспóйте, лю́дие превозноси́те во вся ве́ки.

Благослови́м Отца́, и Сы́на, и Свята́го Ду́ха, Го́спода, и ны́не и при́сно, и во ве́ки веко́в. Ами́нь.

**О чудéс но́вых! О бла́гости! О неизрече́ннаго терпе́ния! Волею бо** под землею печатле́ется, **Иже в Вы́шних живы́й, и я́ко льстец, Бог** оклевета́ется. Егóже о́троцы благослови́те, священни́цы воспóйте, лю́дие превозноси́те во вся ве́ки.

Хва́лим, благослови́м, покланя́емся Го́сподеви, пою́ще и превознося́ще во вся ве́ки.

**Катава́сия:** Ужасни́ся бойся́ не́бо, и да подви́жатся основа́ния земли́: се бо в мертвецéх вменя́ется в Вы́шних живы́й, и во гроб мал странноприе́млется. Егóже о́троцы благослови́те, священни́цы воспóйте, лю́дие превозноси́те во вся ве́ки.

Честнейшую не поем.

### Песнь 9

**Ирмос:** Не рыдай Мене, Мати, зрящи во гробе, Егѡже во чреве без семене зачала еси Сына: востану бо и прославлюся, и вознесу со славою непрестанно, яко Бог, верою и любовью Тя величающия.

Слава Тебе, Бѡже наш, слава Тебе.

**В страннем Твоем рождестве, болезней избежавши паче естества, ублажихся Безначальне Сыне: ныне же Ты, Бѡже Мой, бездыханна зрящи мертва, оружием печали растерзаюся люте, но воскресни, яко да возвеличуся.**

Слава Тебе, Бѡже наш, слава Тебе.

**Земля покрывает Мя хотяща, но устрашаются адовы вратницы, одяна видяще одеждою окровавленою Мати, отмщения: враги бо Крестом поразив яко Бог, воскресну паки, и возвеличу Тя.**

Слава Отцу, и Сыну, и Святому Духу, и ныне и присно, и во веки веков. **Аминь.**

**Да радуется тварь, да веселятся вси земнороднии, враг бо пленися ад: с миры жены да сретают, Адама со Евою избавляю всеродна, и в третий день воскресну.**

**Катавасия:** Не рыдай Мене, Мати, зрящи во гробе, Егѡже во чреве без семене зачала еси Сына: востану бо и прославлюся, и вознесу со славою непрестанно, яко Бог, верою и любовью Тя величающия.

Господи, помилуй. **Трижды.**

Слава, и ныне:

Свят Господь Бог наш. Свят Господь Бог наш. Свят Господь Бог наш.

**Ексапостиларий**

**(из древних славянских Триодей):**

**Суббота святая нам, Суббота великая просветися, в нюже положиися во гробе Избавитель Бог наш, и тридневным Востанием воскресе от гроба.**

**ХВАЛИТНЫ**

Всякое дыхание да хвалит Господа. / Хвалите Господа с небес, / хвалите Егѡ в вышних. / Тебе подобает песнь Бѡгу. / Хвалите Егѡ, вси Ангели Егѡ, / хвалите Егѡ, вся Силы Егѡ. / Тебе подобает песнь Бѡгу.



### Стихиры на хвалитех, глас 2:

**На 4:** Хвалите Егѡ на силах Егѡ, / хвалите Егѡ по множеству величества Егѡ.

**Д**несь содержит гроб Содержащаго дланию тварь, покрывает камень Покрывшаго добродетелию Небеса, спит Живѡт, и ад трепещет, и Адам от уз разрешается. Слава Твоему смотрению, имже совершив все упокоение вечное, даровал еси нам, Бѡже, всесвятѡе из мѣртвых Твое Воскресение.

Хвалите Егѡ во гласе трубнем, / хвалите Егѡ во псалтири и гуслех.

**Ч**тѡ зримое видение? Кѡе настоящее упокоение? Царь веков, Иже страстию совершив смотрение, во гробе субботствует, новое нам подай субботство, Тому возопийм: воскресни, Бѡже, судяй земли, яко Ты Царствуеши во веки, неизмерную имеяй велию милость.

Хвалите Егѡ в тимпане и лице, / хвалите Егѡ во струнах и органе.

**П**риидите видим Живѡт наш во гробе лежащ, да во гробѣх лежащия оживит. Приидите днесь иже из Иуды спяща зряще, пророчески Емѹ возопийм: возлег уснул еси яко лев, кто воздвигнет Тя, Царю? Но востани самовластно, давай Себѣ о нас волею, Гѡсподи, слава Тебѣ.

### Глас 6:

Хвалите Егѡ в кимвалех dobroгласных, хвалите Егѡ в кимвалех восклицания. / Всякое дыханіе да хвалит Гѡспода.

**П**роси Иосиф тело Иисусово, и положи Е в новом своем гробе: подобаше бо Емѹ из гроба, яко из чертога пройти. Сокрушивый державу смерти, и отверзый врата райская человеком, Гѡсподи, слава Тебѣ.

### Слава, глас 6:

**Д**нешний день тайно великий Моисей прообразоваше, глаголя: и благослови Бог день седмый: сия бо есть благословенная суббота, сей есть упокоения день, в онже почи от всех дел Своих Единородный Сын Бѡжий, смотрением еже на смерть, плотию субботствовал: и во еже бе, паки возвращая воскресением, дарова нам живѡт вечный, яко Един Благ и Человеколюбец.

### И ныне, Богородичен, глас 2:

Преблагословена еси, Богородице Дѣво, / Воплощшим бо ся из Тебѣ ад пленися, / Адам воззвася, / клятва потребися, / Ева свободися, / смерть

умертвися, и мы ожихом. / Тем воспевающе вопиём: / благословён Христос Бог, / благоволивый тако, слава Тебё.

Слава Тебё, показавшему нам свет.

### ВЕЛИКОЕ СЛAVOCЛОВИЕ

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христе, и Святей Душе. Господи Боже, Агнче Божий, Сыне Отче, вземляй грех мира, помилуй нас. Вземляй грехи мира, прими молитву нашу. Седяи одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяк день благословлю Тя и восхваляю имя Твое во веки, и в век века. Сподоби, Господи, в день сей без греха сохранитися нам. Благословён еси, Господи Боже отец наших, и хваально и прославлено имя Твое во веки, аминь.

Буди, Господи, милость Твоя на нас, якоже уповахом на Тя.

Благословён еси, Господи, научи мя оправданием Твоим. **Трижды.**

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоём узрим свет. Пробави милость Твою ведущим Тя.

Святей Боже, Святей Крепкий, Святей Безсмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки веков, аминь.

Святей Безсмертный, помилуй нас.

Святей Боже, Святей Крепкий, Святей Безсмертный, помилуй нас.

### Тропарь, глас 2:

**Благообразный Иосиф, с древа снем Пречистое Тело Твое, Пещницею чистою обвив, и вонями во гробе нове покрыв положи.**

## ПАРЕМИЯ, АПОСТОЛ И ЕВАНГЕЛИЕ

### Тропарь пророчества, глас 2:

**Содержай концы, гробом содержатися избволил еси, Христе, да от адова поглощения избавиши человечество, и воскрес оживиши нас, яко Бог Безсмертный.**

**Прокимен, глас 4:** Воскресни, Господи, помози нам и избави нас Имене ради Твоего.

**Стих:** Бже, ушима нашими услышахом, и отцы наши возвестиша нам.

Воскресни, Господи, помози нам и избави нас Имене ради Твоего.

### Пророчества Иезекиилева чтение. [Иез. 37:1-14.]

**Бысть на мене рука Господня, и изведе мя в душе Господни, и постави мя среди поля, се же быше полно костей человеческих. И обведе мя окрест их около, и зело на лица поля, и се сухи зело. И рече ко мне: Сыне человек, оживут ли кости сия? И рекох: Господи Бже, Ты веши сия. И рече ко мне: Сыне человек, прорцы на кости сия, и речеши им: кости сухия, слышите слово Господне. Се глаголет Адонай Господь костем сим: се аз введу в вас дух животен. И дам на вас жилы, и введу на вас плоть, и простру по вам кожу, и дам дух Мой в вас, и оживете, и увесте, яко аз есмь Господь. И прорекох, якоже заповеда ми Господь, и бысть глас внегда ми пророчествовати, и се трус, и совокупяхуся кости; кость к кости каждо к составу своему. И видех, и се быша им жилы и плоть растяше, и восхождаше, (и протяжеса) им кожа верху, Духа же не быше в них. И рече ко мне: прорцы о душе, прорцы, сыне человек, и рцы духови: Сия глаголет Адонай Господь: от четырех ветров прииди, Душе, и вдуни на мертвыя сия, и да оживут. И прорекох, якоже повеле ми, и вниде в ня дух жизни, и ожиша, и сташа на ногах своих, собор мног зело. И рече Господь ко мне, глаголя: Сыне человек, сия кости весь дом Израилев есть: тии бо глаголют, сухи быша кости наша, погибе надежда наша, убиени быхом. Того ради прорцы (сыне человек), и рцы к ним: сия глаголет Адонай Господь: се аз отверзу гробы ваша, и изведу вас от гробов ваших, людие Мои, и введу вы в землю Израилеву. И увесте, яко аз есмь Господь, внегда отверсти ми гробы ваша, еже возвести Ми вас от гробов ваших, людие Мои: и дам дух Мой в вас, и живи будете. И поставлю вы на земли вашей и увесте, яко аз Господь: глаголах, и сотворю, глаголет Адонай Господь.**

**Русский перевод:** Была на мне рука Господа и Он извел меня Духом Господним, и поставил меня среди поля, а оно было полно костей человеческих. И Он обвел меня кругом около них, и вот их весьма много на поверхности поля, и вот они весьма сухи. И Он сказал мне: сын человеческий! оживут ли кости сии? и я сказал: Господи, Боже! Ты знаешь это. И сказал мне: сын человеческий! изреки пророчество на кости сии и скажи им: кости сухия! слушайте слово Господне. Так говорит Господь Бог костям сим: вот Я введу в вас дух жизни, и обложу вас жилами, и выращу на вас плоть, и покрою вас кожею, и вдуну дух Мой в вас, и оживете, и узнаете, что Я — Господь. И я произнес пророчество, как заповедал мне Господь. И был шум, когда я пророчествовал, и вот движение: то соединялись кости, кость к кости, каждая к составу своему. И я увидел: и вот жилы были на них, и плоть начала расти и подниматься, (и протянулась) кожа поверх их, а духа не было в них. И Он сказал мне: изреки пророчество о духе, изреки пророчество, сын человеческий, и скажи духу: так говорит Господь Бог: от четырех ветров приди дух и дохни на мертвецов сих, и да оживут. И я изрек пророчество, как Он повелел мне, и вошел в них дух жизни, и ожили, и стали на ногах своих: весьма большое собрание. И сказал Господь мне так: сын человеческий! эти кости — весь дом Израилев, ибо они говорят: «изсохли кости наши, погибла надежда наша, мы убиты!» Посему изреки пророчество, (сын человеческий), и скажи им: так говорит Господь Бог: вот Я открою гробы ваши, и выведу вас, народ Мой, из гробов ваших, и введу вас в землю Израилеву. И узнаете, что Я — Господь, когда Я открою гробы ваши, чтобы вывести вас, народ Мой, из гробов ваших, и вдуну в вас дух Мой, и живы будете. И поселю вас в земле вашей и узнаете, что Я — Господь, сказал и совершу, говорит Господь Бог.

**Прокімен, глас 7:** Воскресні, Гóсподи, Бóже мой, да вознесѣтся рука Твоя, не забуди убóгих Твои́х до концá.

**Стих:** Исповѣмся Тебѣ, Гóсподи, всем сѣрдцем моим, повѣм вся чудеса Твоя.

Воскресні, Гóсподи, Бóже мой, да вознесѣтся рука Твоя, не забуди убóгих Твои́х до концá.

**К** Коринѳяном послания Свята́го апóстола Павла чтѣние.

**Послание к Коринѳянам, зачало 137**  
(составное чтение: 1 Кор. 5:6–8; Гал. 3:13–14):

**Брáтие, мал квас все смешѣние квáсит. Очи́стите ўбо вѣтхий квас, да бѹдете нóво смешѣние, я́коже естѣ безквáсни: и́бо Пáсха нáша за ны пожрѣн бысть Христóс. Тѣмже да прáзднуем не в квáсе вѣтсе, ни в квáсе злóбы и лука́вства, но в безквáсиих чистоты́ и и́стины. Христóс ны искупíл естѣ от клятвы закóнныя, быв по нас клятвa. Пíсано бо естѣ: прóклят всяк вíсый на дрéве. Да в язы́цех благословѣние Авраáмле бѹдет о Христѣ Иисúсе, да обетовáние Дўха при́имем вѣрою.**

**Русский перевод:** Братия, малая закваска квасит все тесто. Итак очистите старую закваску, чтобы быть вам новым тестом, так как вы бесквасны, ибо Пасха наша, Христос, заклан за нас. Посему станем праздновать не со старою закваскою, не с закваскою порока и лукавства, но с опресноками чистоты и истины. Христос искупил нас от клятвы закона, сделавшись за нас

клятвою (ибо написано: проклят всяк, висящий на древе), дабы благословение Авраамово через Христа Иисуса распространилось на язычников, чтобы нам получить обещанного Духа верою.

Аллилу́ия, аллилу́ия, аллилу́ия.

**Стих:** Да воскреснет Бог, и расточатся врази Его, и да бежат от лица Его ненавидящие Его.

Аллилу́ия, аллилу́ия, аллилу́ия.

**Стих:** Яко исчезает дым, да исчезнут, яко тает воск от лица огня.

Аллилу́ия, аллилу́ия, аллилу́ия.

**Стих:** Тако да погибнут грешницы от лица Божия, а праведницы да возвеселятся.

Аллилу́ия, аллилу́ия, аллилу́ия.

От Матфея святого Евангелия чтение.

Слава Тебе, Господи, слава Тебе.

#### Евангелие от Матфея, зачало 114:

**Во утрий день, иже есть по пятце, собрашася архиерее и фарисее к Пилату, глаголюще: Господи, помянухом, яко льстец он рече еще сый жив: по триех днех востану. Повели убо утвердiti гроб до третияго дне: да не како пришедше ученицы Его нощию, украдут Его и рекут людем: воста от мертвых. И будет последняя лесь горша первыя. Рече же им Пилат: имате кустодию, идите утвердите, якоже весте. Они же шедше утвердиша гроб, знаменавше камень с кустодиею.**

**Русский перевод:** На другой день, который следует за пятницу, собрались первосвященники и фарисеи к Пилату и говорили: господин! Мы вспомнили, что обманщик тот, еще будучи в живых, сказал: после трех дней воскресну; итак прикажи охранять гроб до третьего дня, чтобы ученики Его, придя ночью, не украли Его и не сказали народу: воскрес из мертвых; и будет последний обман хуже первого. Пилат сказал им: имеее стражу; пойдите, охраняйте, как знаете. Они пошли и поставили у гроба стражу, и приложили к камню печать.

Слава Тебе, Господи, слава Тебе.

#### ЗАВЕРШЕНИЕ УТРЕНИ

Господи, помилуй. 40.

Слава, и ныне:

Господи, помилуй. 12.

Слава, и ныне:

Утверди, Бóже, святу́ю правосла́вную ве́ру правосла́вных христиа́н во ве́к ве́ка.

Честне́йшую Херувим / и сла́внейшую без сравне́ния Серафим, / без истле́ния Бóга Сло́ва ро́ждшую, / су́щую Богоро́дицу, Тя велича́ем.

Сла́ва, и ны́не: Го́споди, поми́луй. **Трижды. Благослови́.**

### Отпу́ст

**Иже нас ра́ди челове́ков и на́шего ра́ди спасе́ния, стра́шныя стра́сти и Животворя́щий Крест, и во́льное погребе́ние пло́тию изво́ливый, Христé, и́стинный Бóже наш, моли́твами Пречи́стыя Твоея́ Ма́тере и всех святы́х, поми́луй и спаси́ нас, я́ко Благ и Человеколю́бец. Ами́нь.**

Вели́каго господи́на и отца́ на́шего Кири́лла, / Святе́йшаго Патриа́рха Моско́вскаго и всея́ Руси, / и господи́на на́шего высокопреосвяще́ннейшаго **и́мярек**, / митрополи́та [**или́**: архиепи́скопа; **или́**: преосвяще́ннейшаго **и́мярек**, епи́скопа] [**его́же есть о́бласть**], / настоя́теля, бра́тию и прихо́жан свята́го хра́ма на́шего, / домоча́дцы на́ша и вся правосла́вныя христиа́ны, / Го́споди, сохрани́ их на мно́гая ле́та.

### Стихи́ра, глас 5:

**Прииди́те, ублажи́м Иосифа́ приснопа́мятнаго, в но́щи к Пила́ту прише́дшаго, и Живота́ всех испроси́вшаго: даждь ми Сего́ Стра́ннаго, Иже не имее́т где главы́ подклони́ти: даждь ми Сего́ Стра́ннаго, Его́же учени́к лука́вый на смерть предаде́: даждь ми Сего́ Стра́ннаго, Его́же Ма́ти зря́щи на Крестé ви́сяща, рыда́ющи вопия́ше и ма́терски восклица́ше: увы́ Мне, Ча́до Моё! Увы́ Мне, Све́те Мой, и Утроба́ Моя́ возлю́бленная! Симе́оном бо предрече́нное в це́ркви днесь собы́тся: Моё́ се́рдце ору́жие прóйде, но в ра́дость воскресе́ния Твоего́ плач преложи́. Покланя́емся страсте́м Твои́м, Христé, поклоня́емся страсте́м Твои́м, Христé, поклоня́емся страсте́м Твои́м, Христé, и Свято́му Воскресе́нию.**

## ПЕРВЫЙ ЧАС

Прииди́те, поклони́мся Цареви́ нашему́ Богу.

Прииди́те, поклони́мся Христу́, Царе́ви на́шему, Бо́гу.

Прииди́те, поклони́мся и припаде́м Само́му Христу́, Царе́ви и Бо́гу на́шему.

## Псалом 5

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселится к Тебе лукавнуая, ниже пребудут беззаконницы пред очима Твоима: возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похваляться о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

## Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечестии. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчестит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

## Псалом 100

Милость и суд воспою Тебѣ, Господи. Пою и разумѣю в пути непорочно, когда приидеши ко мне? Прехождах в незлобии сердца моего посреде дому моего. Не предлагал пред очима моима вещь законопреступную: творящая преступление возненавидел. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несмытым сердцем, с сим не ядах. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающыя беззаконие.

Слава, и ныне:

Аллилуия, аллилуия, аллилуия, слава Тебѣ Божѣ. Трижды.

Господи, помилуй. Трижды.

Слава:

Тропарь, глас 2:

**Благообразный Иосиф, с древа снем Пречистое Тело Твое, Пещаницею чистою обвив, и вонями во гробе нове покрыв положи.**

И ныне:

Богородичен:

Что Тя наречем, о Благодатная? / Небо, яко возсияла еси Солнце Правды. / Рай, яко прозябла еси цвет нетления. / Деву, яко пребыла еси нетленна. / Чистую Матерь, яко имела еси на святых Твоих объятиях Сына, всех Бога. / Того моли спастися душам нашим.

Таже:

Стопы моя направи по словеси Твоему / и да не обладает мною всякое беззаконие. / Избави мя от клеветы человеческия, / и сохраню заповеди Твоя. / Лице Твое просвети на раба Твоего / и научи мя оправданием Твоим.

Да исполнятся уста моя хваления Твоего, Господи, / яко да воспою славу Твою, / весь день великолепие Твое.

Святый Божѣ, Святый Крепкий, Святый Безсмертный, помилуй нас. Трижды.



Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Трѳице, поми́луй нас; Го́споди, очисти грехи́ на́ша; Влады́ко, прости́ беззакѳнїя на́ша; Святы́й, посети́ и исцели́ немо́щи на́ша, імене Твоего́ ра́ди.

Го́споди, поми́луй. **Трижды. Сла́ва, и ны́не:**

Отче наш, Иже еси́ на Небесе́х, да святі́тся імя Твое́, да прїидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникѳм на́шим; и не введи́ нас во искуше́ние, но изба́ви нас от лука́ваго.

[Яко Твое́ есть Ца́рство и сіла и сла́ва во ве́ки. Ами́нь. (Мф. 6: 9-13)]

**Конда́к, глас 6:**

**Бѳздно заключі́вый, мертв зрїтся, и сми́рною и плащани́цею обві́вся, во грѳбе полага́ется я́ко сме́ртный Безсме́ртный: же́ны же прїидѳша помазати Егѳ ми́ром, плачу́щя го́рько и вопію́щя: сий суббо́та есть преблагослове́нная, в не́йже Христо́с усну́в воскресе́нет тридне́вен.**

Го́споди, поми́луй. **40.**

Иже на всякое вре́мя и на всякий час, на Небеси́ и на земли́, покланя́емый и сла́вимый, Христѳ́ Бѳже, Долготерпелі́ве, Многомі́лостиве, Многоблагоутрѳбне, Иже пра́ведныя любя́й и грѳшныя ми́луяй, Иже вся зовы́й ко спасе́нию обеща́ния ра́ди бу́дущих благ. Сам, Го́споди, прїими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очисти, помышле́ния испра́ви, мы́сли очисти и изба́ви нас от всякия ско́рби, зол и болѳзней, огради́ нас святы́ми Твои́ми Ангелы, да ополче́нием их соблюда́еми и наставля́еми, дости́гнем в соединѳние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в, ами́нь.

Честне́йшую Херуві́м и сла́внейшую без сравне́ния Серафі́м, без ислѳения Бѳга Сло́ва ро́ждшую, су́щую Богоро́дицу, Тя велича́ем.

Моли́твами святы́х оте́ц на́ших, Го́споди Иису́се Христѳ́, Бѳже наш, поми́луй нас. Ами́нь.

**И молитву часа:**

Христѳ́, Све́те Истинный, просвеща́яй и освяща́яй всякаго челове́ка, грядущаго в ми́р, да зна́менается на нас свет лица́ Твоего́, да в нем у́зрим

Свет Непреступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых. **Аминь.**

**Кондак Богородицы:**

**Взбранной Воеводе победительная, / яко избавльшися от злых, / благодарственная восписуем Ти раби Твои, Богородице, / но яко имущая державу непобедимую, / от всяких нас бед свободи, да зовем Ти; / радуйся, Невесто Неневестная.**

**Слава, и ныне:**

**Господи, помилуй. Трижды. Благослови.**

**Отпуст**

**Христэ, истинный Боже наш, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец. Аминь.**

**Господи, помилуй. Трижды.**